

195

cebantur. Varro l. l. qui ea ministrabat a cinere cinerarius est appellatus, atque ita appellat illos Catullus, Horatius vero cinnidores lib. I. Sat. 2. Matronas autem ancillis in rite recteque disponendo capillitio peritissimis & a magistris ex artis praecepto institutis ut ex Marciano in l. 65. ff. de Leg. III. observat Reinesius ad Cl. I. 89., usas fuisse docent antiqui Scriptores, qui saepius ornatrices memorant, quas Juvenalis Sat. VI. cosmetas vocat

ponunt
Cosmetæ tunicas.

Quamobrem frequens in vetustis lapidibus hujus officii mentio fieri debere videretur; Atqui si 5. pag. DLXXIX. quæ ornatrix a tutulo producit, & 2. pag. MCXVIII. in quâ ornatrix galea exhibetur, paucisque alias excipias, quæ Ornatrixes aut Ornatores nude memorant, altum de hoc officio silentium est. Hinc intelligimus quanto in pretio habenda sit hæc Inscriptio, quæ Libertam a calamistro profert, testaturque Corneliam Saloninam Gallieni Aug. uxorem peculiari liberta usam fuisse, quæ crines illi calamistris inureret, ac, ut suspicari licet, in galea modum disposeret; ita enim in antiquis nummis exhibetur Cornelia Salonia Aug. calamistrata comâ, mitellaque seu diadematè erumpente insignitâ, atque adeo religiose concinnatâ ut veram galeam fasciis distinctam repræsentare videatur.

C L I I.

COROLLARIA. Officium libertæ, quæ coronas conficiebat, quibus Cornelia Salonia Aug. uteretur. Corollas, tenues seu graciles coronas fuisse, floreas plerumque, quandoque e lamina ærea tenui, inaurata, atque inargentata Viri docti observarunt. Coronas tanto in usu apud Veteres fuisse novimus, ut nihil fere nisi coronati agerent; Quare mirari satis nequeo cur tam raro coronarii in vetustis lapidibus occurrant; Tres enim dumtaxat coronarii noti erant; primus ex Gruer. pag. DCXI. 7. duo reliqui ex Fabret. Inscr. Dom. Cap. V. n. 120. & Cap. X. n. 230. In posterum accensendæ erunt tres aliae Inscriptiones ex Ligorio in Gudii opere vulgatae pag. CCXIII. 7. CCXVIII. 1. 2. quæ Corollarias exhibit; eas enim ab omni suspicione vindicat Acte Corollarria, de qua loquimur.

B b 2 A RA-